

**ხელშეკრულება #ET-
სახელმწიფო შესყიდვის შესახებ
ელექტრონული ტენდერის საშუალებით
CPV- 31712300**

ქ. თბილისი

_____ 2019წ.

1. ხელშეკრულების დამდები მხარეები

1.1. ხელშეკრულების მხარეები არიან: ერთი მხრივ, ს.ს. „უნივერსალური სამედიცინო ცენტრი“ (შემდგომში - „შემსყიდველი“), წარმოდგენილი დირექტორის მამუკა გელოვანის სახით, და მეორეს მხრივ _____ (შემდგომში - „მიმწოდებელი“), წარმოდგენილი _____ სახით, ორივე ერთად წოდებული როგორც „მხარეები“.

2. ხელშეკრულების საგანი

2.1. შემსყიდველმა განახორციელა კანონით გათვალისწინებული პროცედურები ელექტრონული ტენდერის (SPA) საშუალებით 62 200.00 ლარის ფარგლებში საკუთარი შემოსავლებით ელექტრონული, ელექტრომექანიკური და ელექტროტექნიკური აქსესუარების (ნაბეჭდი სქემების / CPV 31712300) (შემდგომში - "საქონლის") შესყიდვაზე. რაზედაც მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი _____ ლარად.

2.2. წინამდებარე ხელშეკრულებით გათვალისწინებული „საქონლის“ დასახელება, რაოდენობა და ღირებულება მოცემულია დანართში №1, რომელიც შეადგენს ამ ხელშეკრულების შემადგენელ და განუყოფელ ნაწილს.

3. შესყიდვის ობიექტი

3.1. შესყიდვის ობიექტია დანართში აღწერილი ელექტრონული, ელექტრომექანიკური და ელექტროტექნიკური აქსესუარების (ნაბეჭდი სქემების / CPV 31712300) შესყიდვა.

4. ხელშეკრულების საერთო ღირებულება

4.1 ხელშეკრულების საერთო ღირებულება განისაზღვრება ხელშეკრულებით გათვალისწინებული მიწოდების ვადის დასრულების მომენტისათვის მიწოდების დამადასტურებელ დოკუმენტაციაზე დაყრდნობით გაფორმებულ მიღება-ჩაბარების აქტ(ებ)ში მითითებული ღირებულებით (ღირებულებების ერთობლიობით), მაგრამ არაუმეტეს _____ ლარისა.

5. ხელშეკრულების შესრულების კონტროლი

5.1. ხელშეკრულების პირობების შესრულების კონტროლს და ზედამხედველობას შემსყიდველის მხრიდან, განახორციელებს სპეციალურად შექმნილი ინსპექტირების ჯგუფი ან/და უფლებამოსილი პირი.

5.2. ინსპექტირების განხორციელებასთან დაკავშირებული ყველა ფინანსური ხარჯი და საორგანიზაციო საკითხების გადაწყვეტა ეკისრება შემსყიდველს.

5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული „საქონელი“, მიმწოდებელი ვალდებულია შეტყობინების (ზეპირი, ან წერილობითი) მიღებიდან 10 (ათი) სამუშაო დღეში გამოასწოროს წუნი.

6. საქონლის მიწოდების პირობები

6.1. "საქონლის" მიწოდება განხორციელდება ხელშეკრულების გაფორმების შემდეგ, შემსყიდველის ოფიციალური მომართვის საფუძველზე.

6.2. "საქონლის" მიწოდების ვადა განისაზღვრება ხელშეკრულების გაფორმებიდან - არაუგვიანეს 15 (თხუთმეტი) სამუშაო დღის განმავლობისა.

6.3. "საქონლის" მიწოდება განხორციელდება შემდეგ მისამართზე: ქ. თბილისი, ლისის ტბის მიმდებარედ #4.

6.4. მიმწოდებელი ვალდებულია უზრუნველყოს „საქონლის“ საგარანტიო მომსახურება ხელშეკრულების გაფორმებიდან - მინიმუმ 6 თვის განმავლობაში. წუნის აღმოჩენის შემთხვევაში მიმწოდებელი ვალდებულია საკუთარი ხარჯებით მოახდინოს „საქონლის“ დიაგნოსტიკა, შეკეთება ან გამოცვლა.

6.5. მიმწოდებელი ვალდებულია დაიწყოს ხარვეზის აღმოფხვრის პროცედურა ოფიციალური შეტყობინების მიღებიდან არაუგვიანეს 24 საათის განმავლობისა. „საქონლის“ შეკეთების შეუძლებლობის შემთხვევაში, მიმწოდებელი ვალდებულია მოახდინოს მისი გამოცვლა იდენტური სპეციფიკაციების და მახასიატებლის მქონე

„საქონლით“ არაუმეტეს 10 სამუშაო დღის განმავლობისა.

7. შესყიდვის ობიექტის მიღება-ჩაბარების წესი

7.1. შემსყიდველის მიერ „საქონლის“ მიღება წარმოებს მიღება-ჩაბარების აქტის საფუძველზე.

7.2. მიღება-ჩაბარების წინ განხორციელდება მოწოდებული „საქონლის“ საბოლოო შემოწმება, რომელსაც განხორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი ან/და უფლებამოსილი პირი.

8. ანგარიშსწორება

8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე „საქონლის“ მიწოდების შემდეგ მიღება-ჩაბარების აქტის გაფორმებიდან არაუგვიანეს 60 კალენდარული დღისა.

9. მხარეთა უფლება-მოვალეობანი

9.1. შემსყიდველი უფლებამოსილია შეწყვიტოს ხელშეკრულება მიმწოდებლის მიერ თავისი ვალდებულების არაჯეროვანი შესრულების გამო.

9.2. შემსყიდველი ვალდებულია უზრუნველყოს მიწოდებული „საქონლის“ ღირებულების დროული გადარიცხვა მიმწოდებლის საბანკო ანგარიშზე.

9.3. მიმწოდებელი უფლებამოსილია მოსთხოვოს შემსყიდველს „საქონლის“ ღირებულების დროული გადარიცხვა მის საბანკო ანგარიშზე.

9.4. მიმწოდებელი ვალდებულია შემსყიდველს დროულად მიაწოდოს ნივთობრივად და უფლებრივად უნაკლო „საქონელი“. „საქონელი“ ნივთობრივად უნაკლოა, თუ იგი შეთანხმებული ხარისხისაა. თუ ხარისხი არ არის წინასწარ შეთანხმებული, მაშინ „საქონელი“ უნაკლოდ ჩაითვლება, თუკი იგი ვარგისია ჩვეულებრივი სარგებლობისათვის. „საქონელი“ უფლებრივად უნაკლოა, თუ მესამე პირს არ შეუძლია განუცხადოს შემსყიდველს პრეტენზია თავისი უფლებების გამო.

9.5. ხელშეკრულებით გათვალისწინებული „საქონლის“ მოცულობა სავარაუდოა, ამავე ხელშეკრულებით გათვალისწინებული პერიოდისათვის შემსყიდველი არ იღებს ვალდებულებას შეისყიდოს ხელშეკრულებით გათვალისწინებული „საქონელი“ სრული მოცულობით.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულების შესრულებაზე ცალმხრივად უარის თქმის შემთხვევაში, მიმწოდებელი უხდის შემსყიდველს ჯარიმის სახით ხელშეკრულების ღირებულების 10%-ს.

10.2. „საქონლის“ მიწოდებისთვის განსაზღვრული ვადების დარღვევის შემთხვევაში, მიმწოდებელი ყოველ ვადაგადაცილებულ დღეზე იხდის პირგასამტეხლოს შესასრულებელი ვალდებულების შესაბამისი ღირებულების 0,02%-ის ოდენობით.

10.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

10.4. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 2%-ს შემსყიდველს უფლება აქვს შეწყვიტოს ხელშეკრულება.

10.5. ანგარიშსწორების ვადების დარღვევის შემთხვევაში, მიმწოდებელს უფლება აქვს მოითხოვოს, ხოლო ამ შემთხვევაში შემსყიდველი ვალდებულია გადაიხადოს ყოველ ვადაგადაცილებულ დღეზე პირგასამტეხლო შესასრულებელი ვალდებულების შესაბამისი ღირებულების 0,02%-ს ოდენობით.

11. ხელშეკრულების პირობების გადასინჯვა, ფასები და მოქმედების ვადა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ფასების ცვლილება დასაშვებია შემსყიდველის თანხმობის შემთხვევაში, რაც განპირობებული უნდა იყოს ეროვნული ვალუტის ინფლაციის მაღალი დონით (არანაკლებ 10%-ით), საგადასახადო რეჟიმის, სავალუტო კურსის მნიშვნელოვანი ცვლილებითა (არანაკლებ 10%-ით) და სხვა.

11.4. ხელშეკრულების ფასის გაზრდა არ უნდა აღემატებოდეს ხელშეკრულების მთლიანი ღირებულების 5%-ს.

11.5. ხელშეკრულების პირობების ნებისმიერი ცვლილება უნდა გაფორმდეს წერილობით ხელშეკრულების დანართის სახით, რომელიც ხელმოწერილი იქნება მხარეთა უფლებამოსილი წარმომადგენლების მიერ და ჩაითვლება ხელშეკრულების განუყოფელ ნაწილად.

11.6 ხელშეკრულება ძალაში შედის ხელმოწერისთანავე და მოქმედებს 2020 წლის 31 იანვრის ჩათვლით.

12. ფორს-მაჟორული გარემოებები

12.1. მხარეები თავისუფლდებიან ამ ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ დამტკიცდა, რომ ვალდებულების შეუსრულებლობა განპირობებული იყო დაუძლეველი ძალის ანუ კონკრეტულ პირობებში (სტიქიური უბედურება, ეპიდემია, ომი, საზოგადოებრივი არეულობა და ა.შ.) საგანგებო და გარდაუვალი მოქმედებით.

12.2. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

12.3. მხარე არ თავისუფლდება პასუხისმგებლობისაგან, თუ-კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

12.4 ფორსმაჟორული გარემოებების 15 დღეზე მეტხანს გაგრძელების შემთხვევაში, შემსყიდველს ფლება აქვს შეწყვიტოს ხელშეკრულება.

13. სხვა პირობები

13.1 ხელშეკრულება შედგენილია თანაბარი იურიდიული ძალის მქონე 2 ეგზემპლარად, რომლებიც გადაეცემათ მხარეებს.

13.2 მხარეთა შორის წამოჭრილი დავები წყდება მხარეთა ერთობლივი მოლაპარაკების საფუძველზე. თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

14. მხარეთა რეკვიზიტები

„შემსყიდველი“

სს „უნივერსალური სამედიცინო ცენტრი“

მის: ქ. თბილისი, ლისის ტბის მიმდებარედ #4

ს/კ 405001466

ბანკი: ს.ს. „თი ბი სი ბანკი“

ანგარიში: GE95TB7795436020100004

ბანკის კოდი: TBCBGE22

„მიმწოდებელი“

დირექტორი

მამუკა გელოვანი